

Treoirlíne Airgeadais P05 – 2022/2023

Costais Taistil agus Chothaithe le haghaidh Comhaltaí BoirdBainistíochta agus Pearsanra eile Scoile

Tá nuashonrú déanta ar na rátaí míleáiste ón 1 Meán Fómhair 2022. Féach Aguisín 1 le haghaidh na méaduithe a leagtar amach i gclár [16/2022](#) ón Roinn Caiteachais Phoiblí agus Athchóirithe. Níl aon athrú tagtha ar chur chun feidhme na dtreoirlínte sin.

1. Réamhrá

Féadtar liúntais taistil agus chothaithe a íoc le comhaltaí den bhord bainistíochta, an Príomhoide Tánaisteach, baill foirne teagaisc agus neamhtheagaisc, comhaltaí coistí roghnúcháin agus oibríthe deonacha faoi chomhair taisteal riachtanach adhéantar chun gnó na scoile a chur i gcrích.

Chun riachtanais na gCoimisinéirí Ioncaim agus dea-chleachtas maidir le rialachas agus bainistiú airgeadais a chomhlíonadh, ba chóir don bhord bainistíochta beartas a chomhaontú agus a fhorghabháil gach bliain maidir le costais taistil agus chothaithe a íoc le comhaltaí an bhoird bainistíochta agus le pearsanra eile scoile.

2. Comhaltaí an bhoird bainistíochta

- Ní bhfaighidh comhaltaí an bhoird bainistíochta aon luach saothair airgeadais as a chuid/cuid seirbhísí mar chomhalta boird (AOM 6B). Ní costas taistil incheadaithe é taisteal chuig agus ar ais ó chruinnithe an bhoird bainistíochta
- Ba chóir don bhord bainistíochta cinneadh a dhéanamh i leith na gcineálacha agus na gcatagóirí gnó scoile a bhféadtar costais a íoc le comhaltaí boird lena n-aghaidh. Sa chás go dtabhaíonn comhalta boird costais shuntasacha taistil chuig cruinnithe boird, ba chóir go ndéanfaí comhaontú idir an tIoncaim/Pátrún agus an bord maidir le costais den chineál sin a íoc
- I gcomhréir le treoraíocht ó na Coimisinéirí Ioncaim, “Cuid 05-01-06 den Treoirleabhar Cánach agus Dleachta, Cánachas i leith aisíocaíocht costas taistil agus cothaithe le sealbhóirí oifige agus le fostaithe”:

D’ainneoin aon rud sa dlí cánach nó sa Treoirleabhar seo, maidir le haisíocaíocht costas taistil agus cothaithe do dhaoine aonair a oibríonn ar bhonn deonach agus gan íocaíocht d’eagraíochtaí a bhfuil a gcuid feidhmeanna agus

aidhmeanna altrúíoch agus neamhthráchtála araon (oibríthe deonacha gan íocaíocht a oibríonn le haghaidh carthanas, comhlachtaí spóirt srl), féadtar an aisíocaíocht a dhéanamh saor ó cháin ar an gcoinníoll go gcomhlíonann na costais taistil agus cothaithe an méid seo –

- a) go gcuireann sé an duine aonair sa suíomh go bhfuil siad in ann a gcuid oibre a dhéanamh agus sa suíomh sin amháin; agus*
- b) nach n-aisíoctar an duine aonair ach amháin na costais a thabhaigh siad go hiarbhír agus nach sáraíonn siad na rátaí Státseirbhíse le haghaidh aisíocaíocht costas taistil agus cothaithe.*

*Tabhair do d'aire – Daoine aonair atá páirteach i gcarthanais, comhlachtaí spóirt, srl, agus a fhaigheann, in éineacht le haisíocaíocht costas iarbhír taistil agus cothaithe, **bíodh sé go díreach nó go hindíreach, luach saothair de chineál ar bith (mar shampla tuarastal seachtainiúil nó míosúil, airgead oinigh, agus/nó 'bónas', srl), NÍ THAGANN siad faoin gcur síos ar 'obair a dhéantar ar bhonn deonach agus neamhíoctha'.***

3. Príomhoidí agus Pearsanra Scoile

- Níl liúntais taistil agus chothaithe iníoctha ach amháin i ndáil le neamhláithreach riachtanach ón scoil. Is é an bord a cheadaíonn costais den chineál sin a íoc. Ba chóir gach dualgas taistil a phleanáil d'fhonn an méid iomlán taistil a laghdú feadh an mhéid atá comhsheasmhach leis an éifeachtúlacht
- Ní mór go mbeadh an Príomhoide/Pearsanra scoile ar shiúl go sealadach óna g(h)nátháit oibre i bhfeidhmiú dhualgais a (h)oifige nó a f(h)ostaíochta;
- Ní mór go mbeadh na costais taistil tabhaithe le gá i bhfeidhmiú dhualgais a n-oifige nó a bhfostaíochta; agus
- Ag eascairt ó shuíomh a bhfuil glactha leis le fada agus atá faoi thaca ag an gcásdlí cánach, ní mór go mbainfeadh na costais chothaithe le taisteal a tabhaíodh le gá i bhfeidhmiú dhualgais a n-oifige nó a bhfostaíochta
- Sa chás go bhfuil breis agus duine amháin ag taisteal go dtí an ceantar céanna, bachóir socruithe a dhéanamh, nuair is féidir, le go seachnaítear dúbailt nach gá ó thaobh breis agus carr amháin a úsáid
- Sa chás go leanann duine ar aghaidh ar thuras oifigiúil ón mbaile nó go dtéann siad ar ais abhaile go díreach, ríomhfar an liúntas taistil iníoctha de bhun tagairt don achar ón mbaile nó ón scoil, cibé acu is lú
- Ní fhéadtar costais taistil a íoc i ndáil le haon sciar de thuras a chlúdaíonn an gnáthbhealach ar fad ag duine idir an baile ag an scoil, nó cuid den ghnáthbhealachsin. Má fhaigheann fostaí íocaíochtaí costais i ndáil le taisteal go dtí an obair agus ar ais ón obair, tá íocaíochtaí costais den chineál sin incháinithe agus faoi réir asbhaintí ÍMAT.

Costais Chothaithe

Molann an FSSU nár chóir aon íocaíochtaí cothaithe a dhéanamh ach amháin ar bhonn an chaiteachais dheimhnithe ar bhéilí agus lóistín riachtanach tar éis admhálacha a chur faoi bhráid an Phríomhoide, nó i gcás Príomhoide nó comhaltaboird, faoi bhráid cisteoir an bhoird.

Má bhíonn aon fhaisnéis bhreise uait, ná bíodh drogall ort ríomhphost a chur chuig primary@fssu.ie nó glao a chur ar (01) 910 4020

An tAonad um Sheirbhísí Tacaíochta Airgeadais

Meán Fómhair 2022

Aguisín 1

Rátaí Taistil Státseirbhíse le héifeacht ón 1 Meán Fómhair 2022

Rátaí Mótartaistil in aghaidh an Chiliméadair				
Bandaí	Fad	Acmhainn Innill suas le 1200cc	Acmhainn Innill 1201cc go 1500cc	Acmhainn Innill 1501cc agus os a chionn
Banda 1	0 – 1,500 km	41.80 cent	43.40 cent	51.82 cent
Banda 2	1,501 – 5,500 km	72.64 cent	79.18 cent	90.63 cent
Banda 3	5,501 – 25,000 km	31.78 cent	31.79 cent	39.22 cent
Banda 4	25,001 km agus níos mó	20.56 cent	23.85 cent	25.87 cent

Tá an ráta le haghaidh Feithiclí Leictreacha á mhéadú agus tá sé á shocrú ag an ráta céanna leis an ráta a bhaineann le feithiclí sa chatagóir láir, i.e. 1,201cc go 1,500cc.

Rátaí Laghdaithe Mótartaistil in aghaidh an Chiliméadair		
Acmhainn Innill suas le 1200cc	Acmhainn Innill 1201cc go 1500cc	Acmhainn Innill 1501cc agus os a chionn
21.23 cent	23.80 cent	25.96 cent

Tá rátaí laghdaithe míleáiste iníoctha do thurais a bhaineann le post an duine nach mbaineann go heisiach le feidhmiú na ndualgas sin.

Mar shampla:

- freastal ar chomórtais theoranta ardaithe céime
- freastal ar chúrsaí oideachais ceadaithe
- freastal ar chúrsaí nó comhdhálacha